



Broj: JN1-01-16-4-29-26/17
Datum: 6.2.2018. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 70. Stav (1), (4) i (6), člana 88. i člana 69. stav (2) tačka e) Zakona o javnim nabavkama („Službeni glasnik BiH“, broj 39/14), na Preporuku Komisije za javnu nabavku, broj: JN1-01-16-4-29-24/17 od 31.01.2018. godine, u postupku javne nabavke hrane, prehrambenih artikala i sredstava za ličnu higijenu, donosi sljedeću:

ODLUKU
o poništenju postupka
za nabavku hrane, prehrambenih artikala i sredstava za ličnu higijenu

Član 1.

Prihvata se Preporuka Komisije za nabavku, broj: JN1-01-16-4-29-24/17 od 31.01.2018. godine o poništenju postupka nabavke hrane, prehrambenih artikala i sredstava za ličnu higijenu iz razloga što je cijena ponude ponuđača Lala i Lačo d.o.o Bijeljina znatno veća od osiguranih sredstava za predmetnu nabavku po Odluci o pokretanju postupka za nabavku hrane, prehrambenih artikala i sredstava za ličnu higijenu broj: JN1-01-16-4-29-1/17 od 04.09.2017. godine, a na osnovu člana 69. stav (2) tačka e), Zakona o javnim nabavkama („Službeni glasnik BiH“, broj 39/14).

Član 2.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 3.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 4.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke hrane, prehrambenih artikala i sredstava za ličnu higijenu, broj: JN1-01-16-4-29-1/17 od 04.09.2017. godine.

Javna nabavka je provedena putem konkurentskog zatjeva za dostavu ponuda za nabavke hrane, prehrambenih artikala i sredstava za ličnu higijenu.

Procijenjena vrijedost javne nabavke bez PDV-a je: 40.170,94 KM, odnosno 47.000,00 KM sa PDV-om. Obavještenja o nabavci broj: 679-7-1-32-3-25/17, objavljeno dana 06.09.2017. godine i ispravka broj: 679-7-1-32-8-27/17, objavljena dana 14.09.2017. godine, na Portalu javnih nabavki.

Komisija za nabavku imenovana je Odlukom i dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda broj: JN1-01-16-4-29-23/17 od 17.01.2018. godine, Preporuku o poništenju postupka broj: JN1-01-16-4-29-24/17 od 31.01.2018. godine i Izvještaj o radu broj JN1-01-16-4-29-25/17 od 31.01.2018. godine u postupku javne nabavke hrane, prehrambenih artikala i sredstava za ličnu higijenu.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno tri (3) ponude;
- da je blagovremeno primljeno tri (3) ponude;
- da nije bilo neblagovremeno primljenih ponuda,
- da je ponuda ponuđača: Lala i Laćo d.o.o. Bijeljina, kvalifikovana, dostavljeni su svi traženi dokazi propisani tenderskom dokumentacijom, na propisan način, ali je van obezbjeđenih i u tenderskoj dokumentaciji naznačenih budžetskih sredstava za predmetnu nabavku po Odluci o pokretanju postupka za nabavku hrane, prehrambenih artikala i sredstava za ličnu higijenu broj: JN1-01-16-4-29-1/17 od 04.09.2017. godine, a na osnovu člana 69. stav (2) tačka e), Zakona o javnim nabavkama („Službeni glasnik BiH“, broj 39/14), postupak se poništava.
- da ponude ponuđača: Inter-Com d.o.o. Zenica i Gold Mignon d.o.o. Sarajevo, nisu u skladu sa Tenderskom dokumentacijom a prema Rješenju Kancelarije za žalbe broj: JN2-01-07-1-684-7/17, od 23.11.2017. godine

Inter Com d.o.o. Zenica

Ponuda ponuđača Inter Com d.o.o Zenica u skladu sa Rješenjem Kancelarije za žalbe broj: JN2-01-07-1-684-7/17, od 23.11.2017. godine nije u skladu sa traženim u tenderskoj dokumentaciji i to citiramo:

- „Uvidom u Obrazac za cijenu ponude-robe, Aneks 1, neosporno je da je za artikal iz Grupe 1, pod rednim brojem 13. tražena „Marmelada (miješano voće),- 700 gr“, međutim uvidom u ponudu izabranog ponuđača tačno je da je isti ponudio: „Džem od više vrste voća“, što nije u skladu sa zahtjevom ugovornog organa.“

- „Neosporno je da je za artikal iz Grupe 2, pod rednim brojem 1. traženo je „Mlijeko (dugotrajno) 2,8% mm (1 litar)“ dok je ponuđač Inter Com d.o.o. Zenica, umjesto traženog dugotrajnog mlijeka, ponudio trajno kratkotrajno mlijeko, dakle iz navedenog se može neosporno izvesti zaključak da ovaj proizvod nije u skladu sa zahtjevom iz TD i ne može biti prihvaćen od strane ugovornog organa. Istu grešku izabrani ponuđač ponavlja i kada je u pitanju artikal iz Grupe 3, pod rednim brojem 2. gdje je tenderskim dokumentom takođe traženo, dugotrajno mlijeko, gdje ponuđač i u ovom slučaju nudi trajno kratkotrajno mlijeko proizvođača Inmer d.o.o. Gradača i time iz istog razloga, njegova ponuda ne može biti prihvaćena kao prihvatljiva.“

Gold Mignon d.o.o., Sarajevo

Ponuda ponuđača Gold Mignon d.o.o Sarajevo, u skladu sa Rješenjem Kancelarije za žalbe broj: JN2-01-07-1-684-7/17, od 23.11.2017. godine nije u skladu sa traženim sa tenderskom dokumentacijom i to citiramo:

- Gold Mignon d.o.o Sarajevo je „napravio niz propusta tako što je za artikale iz Grupe 1. pod rednim brojevima: 1. „Ulje (suncokretovo)-1 U\14. „Jaja (M klasa)“ je dostavio fotografije na kojima nije jasno vidljiv naziv proizvođača, a kako je to zahtjevano u Izmjeni i dopuni TD, broj: JN1-01.16-4-29-4/17, od 14.09.2017 godine. Uvidom u ponudu spornog ponuđača ovaj organ je utvrdio da je neosporno da se na dostavljenim fotografijama ne vidi jasno proizvođač iako je navedeno zahtjevanom tenderskom dokumentacijom”

- Gold Mignon d.o.o Sarajevo „je za stavku podređenim brojem 13. iz Grupe 1, ponudio Džem umjesto marmelade, što nije u skladu sa traženim te nije ispunjen uslov iz tenderske dokumentacije“.

- Gold Mignon d.o.o Sarajevo, „za artikal iz Grupe 2, rednog broja 1, i artikal iz Grupe 3, rednog broja 2, traženo je „Mlijeko (dugotrajno) 2,8% mm (1 litar)“. Ponuđač Gold Mignon d.o.o. Sarajevo, je umjesto traženog dugotrajnog, ponudio trajno kratkotrajno-mlijeko proizvođača „Inmer d.o.o Gradačac“, te ovaj proizvod ne može biti predmet ponude u ovom postupku javne nabavke iz istog razloga.“

Lala i Laćo d.o.o Bijeljina

U Tenderskoj dokumentaciji je naznačena vrijednost nabavke i to u tački 1. Opšti podaci- procijenjena vrijednost nabavke: „Procijenjena vrijednost javne nabavke iznosi 40.170,94 KM bez PDV-a, odnosno 47.000,00 KM sa PDV-om.“ Takođe je vrijednost nabavke naznačena i u Obavještenju o nabavci.

Ponuđač Lala i Lačo d.o.o. Bijeljina je preuzimanjem Obavještenja o nabavci i Tenderske dokumentacije sa portala JN znao koja su obezbjeđena sredstva ali i pored toga je dostavio ponudu koja je znatno veća od raspoloživih (osiguranih) sredstava za predmetnu nabavku.

Vrijednost ponude ponuđača Lala i Lačo d.o.o. Bijeljina je 51.625,80 KM bez PDV-a odnosno 60.402,19 KM sa PDV-om, što predstavlja znatno veću vrijednost od osiguranih sredstava za predmetnu nabavku.

Uzimajući u obzir da je članom 69. stav (2) tačka e), Zakona o javnim nabavkama („Službeni glasnik BiH“, broj 39/14) propisano da je Ugovorni organ obavezan poništiti postupak javne nabavke u slučaju kada je cijena prihvatljive ponude znatno veća od osiguranih sredstava za predmetnu nabavku, Ugovorni organ u skladu sa ZJN poništava predmetnu nabavku.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača i pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka ministrica za ljudska prava i izbjeglice BiH nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila. Uvidom u priloženu dokumentaciju, nesporno je da ponuda ponuđača Lala i Lačo d.o.o. Bijeljina znatno veća od osiguranih sredstava za predmetnu nabavku a u skladu sa Odlukom o pokretanju postupka javne nabavke hrane, prehrambenih artikala i sredstava za ličnu higijenu, broj: JN1-01-16-4-29-1/17 od 04.09.2017. godine.


Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke.

Dostaviti:

- ponuđači
- Sektor za opšte, pravne i finansijsko-materijalne poslove
- a/a



MINISTRICA

Semiha Borovac

Semiha Borovac